

Pueta

Sò pueta di l'alte cime,
U mio mondu à mè ghjè lu sole,
Cù li cunfini di li nuli ...
U mio circondu sò e stelle,
Sò pueta in le muntagne,
Da lu Padru insin'à Cagna ...

Sò pueta di li spinzi
Di le zenne è di le spilonche
Sò pueta di la terra
Di l'altura è di la ghjerba
Lu mio cantu hè superbu ... Bis

Sò pueta di la luna
Bionda è chjara è luccicante
Lu mio cantu in la notte
Introna tutte le grotte ...
Sò pueta di l'elpale ... Bis

Sò pueta di l'alte cime,
U mio mondu à mè ghjè lu sole,
Cù li cunfini di li nuli ...
U mio circondu sò e stelle,
Sò pueta in le muntagne,
Da lu Padru insin'à Cagna ...